

228557

永樂大典

卷 〇二六四	卷 〇二六三	卷 〇二五四	卷 〇二五九
臺字	臺字	齋字	齋字



三十

7
72
00
7.3

永樂大典卷之二千六百三

七皆

臺

七佛臺

輿地紀勝在順慶府南。元清居山君子峯後。又有鳳足佛足靈迹之異。見馮檇經藏記。

七寶臺

長安志懷遠坊有大雲經寺。當中寶閣崇百尺。時人謂之七寶臺。又云。唐儀鳳二年。於光宅坊掘得石函。有佛舍利骨萬餘粒。遂立光宅寺。武太后始建七寶臺。因改寺額焉。酉陽雜俎。七寶臺甚顯。登之四極眼界。其上層窻下。尉遲蓋下。層窻下。吳道玄畫。皆非得其意也。

十八賢

臺

周密登懷錄。周子充遊廬山。謁隆禪師塔。其前為十八賢臺。江州志。德化縣西南六十里。擲筆峰。因石為臺。環列石坐一十有八。昔慧遠

與社賢慙此。下臨絕壑。今東林土臺。乃其蹟。恭也。輿地紀勝。南康東林寺。新羅巖之東二里。有十八賢為蓮社慧遠法師以下十八人。宋陳舜俞許臺下衣冠已化塵。臺前顏色尚如新。林泉合是修行社。巖穴誰非避世人。好鳥豈知當日事。幽花何似昔時春。老僧不解論今古。應笑徘徊問隱淪。

文殊臺

行江前志南城縣南四十里。福山總持禪院有文殊臺。新城志在新城縣西南四十里。福山寺開山時有文殊現因

此作臺。輿地紀勝廬山記云。文殊臺在撫筆峯間。會昌毀寺東林寺。二僧藏文殊瑞像于此。宋錢子言集文殊臺詩。臺在香爐峯下。宋望獅子峯。五

臺山裏現文殊。人指此臺名似虛。正馬東峯有獅子。恐曾高跨入匡廬。

天王臺

峽山神異記唐廣德中癸卯歲夏四月十

七日。覽公修葺諸臺。中路忽見四小兒來。將謂有客上寺。擬迎至寺。後無一人。數日又見童兒四人。覽公遂問曰。乙岳姓名。童曰。吾乃海上四天王。

覽公問曰。何現此相。童曰。時人驚畏。故現此身。衛護精舍。遂於西陽山上磨香石。北三步造四臺。仍塑四天王馬。元一統志天王臺在河間府城

北門裏。少東有方臺一所。高約三丈有餘。北去城約近百步。上有古殿堂一間。并獻殿全。內塑毗沙門天王聖像。一在大名路府城中。唐莊宗所

築。三山志福州保安里有天王臺。大同志天王臺在於城北。外有舊城遺址。係元魏所建離宮。今立無祀鬼神壇。宋李若水集開德天王臺詩。還

家十日坐井底。北風吹我上高臺。亭亭寒日光彩薄。幕空雲影低徘徊。半折老木卧崖腹。樹枯野鵲時到來。沙飛客眼展不盡。難棲向我爭崔嵬。故

人天涯雲水隔。童背酒壺聊自開。曾中磊砢澆不下。旁人已嘲紅滿腮。西湖百步水作界。北城萬瓦煙成堆。十年黃土泥雙足。把節今日踏霜苔。登高能賦我輩事。莫惜淡墨留牆隈。後日重來佛石生。山陰陳迹空自哀。王侯道集夜登天王臺。月色鍊銀欄。不掩蕭然風露欲中秋。天河澄淡星芒小。雲海溟濛夜氣浮。臺影迥無群水礙。琴聲清入素商流。高吟此地容吾和。長嘯西山想獨遊。元許衡集天王臺詩。樓閣荆榛幾變更。登臨因見古今情。當年勝迹無從問。依舊春風草又生。滕牧詩新晴特特賞春華。上到危欄日已斜。垂柳不遮羈客眼。四圍山色滿城花。

羅漢臺

宋劉克莊詩海島五百士。劉郎應亦深。不似河羅漢。神通無處尋。

金剛臺

光州志在圓始

縣城南一百四十里。宋時民人避兵處。宋史吳湖字道父。為也。因便朝廷。付湖以光豐斬黃之事。凡朔司空山。無家山。金剛臺。三大岩。宋朱翌詩兒。子門生交說勤。要翁一出步溪雲。金剛臺近城三里。玉友酷新益十分。反照江山紅半斂。小春桃李暖如薰。心灰已冷無機事。戲象爭棋亦謾云。

禪師臺

太平寰宇記在萍鄉縣東五十五里。

桂師臺

江州志瑞昌縣西百二十里。有桂師臺。在桃花

山石臺下。出泉冬夏如一。禱雨甚驗。

花首臺

元一統志惠州羅浮記洞中常有五百花首真人遊會。唐開元二十六年。勅建

此臺。名花首。惠陽縣志乾木多羅。唐開元二十六年。自西竺國以鐵鐸迎像一軀。長一丈六尺。泛海而來。欲貢中國。至番禺舉之不動。天寶二載中。使何行成奉詔祭羅浮山。聞羅浮有花首菩薩之迹。詔財建花首臺於山下。因奏請其像置之。

金粟臺

元一統志在福

州萬歲寺。王閻時塑金粟像。名金粟臺。郭子詩云。雲凝香篆迷禪刹。風捲潮聲出海門。

佛影臺

遠公廬山集。佛影臺在西

方那伽阿羅國南。古仙人石室中。以晉義熙八年。因蜀賓禪師。南國律學道士。共立此臺。唐李邕詩云。影圓面西來。影圓謂佛影也。後乃建寺以奉之。

甘露臺

豐城縣志淳熙壬寅。感山海慧寺。經藏成。四方禱祈輻湊。有甘露降于寺。隅者三。主僧曉瑩為臺扁曰甘露。

露。瑩俗姓管。邑人。徑山宗果法嗣。晁竄嶺外十七年。瑩與之俱。果後得旨南歸。終于徑山。付以法衣。瑩善為詩文。自號雲卧庵。有雲窻集。及雲卧紀談。羅湖雜錄。禪門三傳行于世。宋劉言史詩。偶至無塵空翠間。雨花茸露境闌閑。身心未寂終為累。非想天中獨逍遙。姚成一詩。有唐太和年。宮中

亦甘露。曾不如此臺。空山自甘露。講師曾此雨天花。臺築山椒幾歲華。
一蓋雲峯擎羽葆。四盤江水走龍蛇。好教絕頂峻嶒出。莫放濃陰蒼蔚遮。
應有醍醐餘味在。僧房試覓一盃茶。

禪月臺

宋韓澆詩此臺已無。漫禪月彼一時。得句僧窓下。空留洗墨池。渺渺涼風起。

木犀相次開。舉家空自住。過客有誰來。已是小溪棹。更尋禪月臺。驚乎湖海氣。鷗鳥莫驚猜。山路難嫌脚力登。儘高高處又馮陵。豈無道院燒仙

藥。定有僧龕供佛燈。一任薦紳多習熟。都緣書冊易因仍。屋頭巷尾誰連壁。涼冷秋來老莫勝。貫休一去二百載。猶得靈山照玉溪。不是臺高可

留客。秋來人要覓詩題。僧清知野逸。禪月有高臺。自是登山去。誰非入寺來。孤花明密葉。落絮起荒苔。香篆茶甌久。昏鍾我未回。尋得殘僧上

月臺。雨雲清薄未全開。茶甌生久酒盃舉。桂樹落香黃菊來。涼風吹雨過城頭。不近重陽不是秋。斷送清樽欺老病。吹臺供得幾多愁。蛩動一

臺秋氣深。酒浮燈影喚微吟。不禁騷雅多悲興。且與枯禪話息心。齋餘洗鉢拖生臺。此路開通一線開。咲殺淵明沽酒速。推將誰去稅誰來。來章

齋詩玉峯點翠廓。霄漢疑可梯。玉水環城陰。灩澦方拍氐。層臺擅二美。吾策一時携。何當曠吾屐。更欲照以犀。塵勞不相教。竟類窮途迷。我生塵塵

爾不羨駕駉驤向來立壑懷語發人所詆長安黑頭公王勃朗金闈山林
出戲言廣已無端倪誰收遯日手歸把耕雨犁紛紛塵土中等是舞甕難
頗聞山水間幽子飯蒼藜行當踐此語絕境同攀躋孔武仲詩物有賤而
貴勸公收瘁皮自能生烈火何用藝香脂山徑狂風夜茅簷密雲時金蓮
猝難買唯此頗相宜素月寒光好高齋夜已高影舞穿窗紙光稍泛疎
櫺皎潔臨書案朦朧到硯屏沉吟憶丹桂更欲步中庭草泉集訪徐季益
於禪月臺郡郭凡幾到茲臺獨未登遺蹤問禪月文士得
徐陵坐久意亡憊景驕詩不勝靈山何許是空翠湧千層

五色雲

臺

東陽志義烏縣高僧智者大師梁天監中武帝延師於等覺殿設禮
欲令師先見形相師合掌入餅中結跏趺坐少頃化五色雲臺而出

帝北面受戒親
執弟子之禮

乘雲臺

輿地紀勝在福州宣峯寺僧希運與一僧
同登轉弱之間其僧忽騰雲而去運呀然

而眎

披雲臺

宋葛勝仲詩深公出東都山色已清好流行滄江上
快意時絕倒洗盡眼界塵招提迹如掃衆脫來靈山

世故亦相惱平生愛山心不厭更幽討捫蘿開細峯脫屣藉豐草聊煩破
陁石坐此突兀老是身端如雲去住殊未保孤峯起孤煙晴湖漾晴昊賓

主兩忘言。可
為知者道。

雨花臺

建康志在城南三里。據岡阜最高處。俯瞰城闕。舊傳梁武帝時。有雲光法師。講經於此。感

天雨花。故賜名山。諫之。丹陽記云。江南登覽之地三。曰甘露白雨華。曰金陵。敵建炎之後。臺址僅存。後人乃請均慶院舊額。即此基建寺。又壞于太隆。興元年。留守陳公之茂。重修此臺。初一堂名總秀。而徙均慶院於臺之下。淳祐中。吳公淵重修。寶祐初。王埜又加修飾。自書其扁。咸淳元年夏。五馬公光祖既新為衣園。或謂臺與園相頡頏。亦不可以不治。乃併撤而新之。高唐視舊加倍。緣以脩垣旁建掖屋。又累石數百級。以便登陟。作門通衢。以嚴啓閉。江山觀覽之勝。為金陵第一矣。宋馬光祖記雨花臺勝甲江南。事詳郡乘。余公餘一往。則臺屹其崇。萬象環集。山川城郭。江淮吞吐。如拱如赴。而顧瞻吾臺。藩掖級夷。反若歛然。有不足當者。度材更繕。不兩月告成。既成。率賓佐落之。余撫欄作而言曰。嗟呼。地以山川勝。山川以人勝。而人之所以勝者何哉。今吾與二三子登斯臺也。仰而觀之。行關與如。趙元鎮張德遠之所建。請猶凜有生氣。俯而觀之。長江渺如。韓新國虞雍公戰勝之迹。尚可一二數也。子以是而觀之。其亦有繫於心否歟。向皆如晉元突輩。把酒清譚。脫落世事。則雖茂弘新亭士行石城遺跡之丘墟久矣。而

況所謂雨花臺者然則吾與君從容無事相與遊此也。而可不知其所自耶。知其所自則當監其所為矣。吾老矣何能為。惟聞誦此山移說東廬山故事。則躍然有所契。金盆石室諒不終寒我盟。然前所謂元鎮諸賢之事其卒付之登臨一祭而已乎。詩曰高山仰止景行行止。又曰以似以續。續古之人吾敢以是為二三子勉。二三子有不勉者耶。乃相與離席而謝曰敢不勉。因筆以為之記。劉潛夫詩昔日講師何處在。高臺猶有兩花名。有時寶向泥尋得一片山無草敢生。落日磬殘鄰寺閑。晴天牛上盤陵耕。登臨不用深懷古。君看鍾山幾箇爭。王安石詩盤互長干有絕陁。并包佳巖入江亭。新霜浦淑綿綿靜。薄晚林巒往往青。南上欲窮牛渚怪。北尋難忘草堂靈。復與却走垂楊陌。已載寒雲一兩星。楊傑詩空書來震旦。康樂造淵微。貝葉深山譯。曼花半夜飛。香清雖透筆。藻散不濡衣。舊杜白運老。遠公應望歸。周必大詩歲晚相逢古帝鄉。長松百尺傲冰霜。青鞋踏遍南山岸。更賦名花似漫郎。傳道詩僊折簡求。破寒雪屋為君開。要將好句誇張籍。故放歌謠吏部才。天女來參復上合。逆知君動雨花心。故令六出繽紛下。免使荒臺更重臨。馬野亭詩居士室中天女現。生公臺上兩花懸。只因妙語傾人聽。非有真花墮我前。却似文章稱錦囊。亦如咳唾說珠圓。

不知誰向癡人道。今望虛空眼欲穿。張湯詩不譚仁義只譚空。一看參差
在箇中。臺上繽紛花正雨。城邊一陣已西風。君王自有君王業。何事區
區翻貝葉。雨花名臺非識奇。要使後人知覆轡。羅必元詩蕭帝領心向佛
家。謾言天女墜天花。蘆僧一葉橫江去。回首梁園日脚斜。張樂詩莫說南
朝勝繁榮。抵今近郭已江村。臺荒浪絕曼花墜。事往空餘古意存。甌缺正
綠輕納景。鼎分誰謂不如孫。滔滔千載興亡恨。盡付凭欄對月樽。劉端之
詩六朝宮苑帝王州。何事興衰若置郵。可是戰爭收拾後。却將歌舞破除
休。千門靜鎖梧桐雨。萬堞深籠薜荔秋。試涉雨花臺上望。夕陽煙水替人
愁。盧壽老詩輜車行晚快新遊。更上雨花臺上頭。看不厭人渾是景。清無
極處奈何秋。地完龍虎堂堂立。江泊鯨鯢衮衮流。一帶黃山是淮上。依然
望弗見神州。郭功父詩雲公說法時。諸天雨名花。此事古老傳。豈爲虛語
誇。至今數畝地。長松肖龍蛇。下不生蔓草。上不存棲鴉。夜或散瑞光。爛若
赤城霞。沿崖僅可到。狹徑寧容車。嚴嚴渤海公。好古心無涯。携筇徐步至。
極眺頻吁嗟。不惟古佛迹。絕景來幽遐。城郭如鈎環。井廬雜禾麻。青山斷
綠野。白水連平沙。翔帆出天鏡。疊鼓傳撻槌。又復聽歸櫓。大澤鳴鴈鴒。雲
烟失浦溆。霜雪摧葭葭。顧瞻指掌間。千里無毫差。中天二龍飛。此邦恃火

牙。納土業已緩。何殊井中蛙。神兵半夜集。城裂如剖瓜。唯仁乃無敵。四海
同一家。我公來闕未。式宴賓亦嘉。作亭當舊址。海月浮憲轡。舉盞莫辭酒。
越女彈琵琶。為我謝雲公。亦有三春葩。真法忌揀擇。豈校靜與譁。酩酊馬
上歸。鬢髮從髻髻。城南五里近。驅車稍停休。層臺臨古剎。欣陪清淨遊。
凭高送遠目。考古思名流。更讀琳琅篇。敘事何其周。尸黎與法雲。後迹居
叢幽。趣將金仙詣。行匪斜徑由。至今手植松。千丈騰龍蚪。悟登時異衆。妙
齡已依劉。夫華無根蒂。應講承飛浮。帝釋昔舉手。此理誰可侔。適來表前
蹤。新亭壓鰲頭。空渚樓古月。大江浴清秋。曠懷出十地。壯氣橫九州。三山
連天門。水府卧金牛。故國羅綺滅。深宮榛莽留。興亡千歲間。愁緒如絲抽。
惟餘北嶺雲。無心自悠悠。高鴻正飛冥。羅網安得收。公等真丈夫。問學皆
淵丘。不應待使旄。歸合登瀛洲。桓桓鼎彝司。落落金馬儔。君臣若克肖。明
良互賡酬。胡為慕瞿瞿。玄微解而優。顧舒三日霖。耐此旱歲求。乾坤涵潤
澤。使我醒兩眸。咄嗟勿重陳。玉樹後庭謳。玉質詩亂草。踏秋碧。斜陽立晚
紅。天低昏海霧。江濶渡淮風。臺有餘基壯。碑無舊觀豐。愁人惜倦眼。不敢
送歸鴻。李和父詩不見梁時說法僧。一臺芳草自青青。滿山礪礪殷紅子。
空驗天花舊點靈。周伯敬詩細蘚未莎鎖舊堆。昔年曾見異僧回。如何天

上飛靈雨。不為人間洗劫灰。江接潮頭諸脉應。地連崗勢一支來。只今不
假虛無事。別是春風歌舞臺。葉夢得詩言經朱雀桁。後度白雞年。去歲年
昌。謝公不可見。廢壘蔓草纏。三日瞰垌牧。所懷多昔賢。坡陀北城下。誰可
作九泉。石頭控崢嶸。目盡西南天。定都記孔明。赤壁方凱旋。原權定都北
明初勦之。惟初鼎足計。用意良已虔。更作長干行。秦淮亂清漣。殘春掃餘
花。密葉亦有蟬。高臺略四遠。綠野浮羊眠。牛陰久未移。幽景為我延。使君
固不凡。況有佳客先。老大百慮息。費餘豈遺烟。了知塵外心。本自無間然。
唐仲友詩竟夕飛花一尺圓。今朝晴色倚神禧。共尋蕭寺同來興。直上高
臺是愛奇。鷓鴣餘寒通北極。鳳凰斜照落西垂。詩成似得江山助。莫道金
陵勝侶知。促膝紅爐擁肉圓。淺斟竹葉介繁禧。明年雪裏人應健。醉客
詩成語益奇。戲掬巧爭肌玉瑩。快飡不省鬢絲垂。歸來鼻息春雷動。晴日
三竿總未知。因時興成易成空。更向層臺覓舊蹤。江渚餘寒撲白鷺。山
崗暗色轉青龍。風烟暖入千林景。絲管春生萬井容。堪笑吟官詩思苦。絕
塵高韻以難從。劉龍洲詩寒意滿烟草。浮生吹浪花。繞臺皆峻嶺。陳迹一
飛霞。子醉辭吐鳳。吾狂字落鵝。兒童應笑客。風颭角巾斜。方岳詩孤雲落
日倚西風。歷歷與仁望眼中。山入六朝青未了。江浮五馬恨無窮。客愁已

付葡萄綠。遙雨空餘瑪瑙紅。我亦欲談當世事。無人喚醒紫髯翁。史浩詩
 試扶鳩策上烟霞。尚想當年天雨花。潮無野航歸別浦。雲無宿鷺點晴沙。
 高遠西望三千界。俯眺南陽十萬家。更欲雲間窮遠目。鸞鵲起處認中華。
 李之儀詩。源傳勝致有無間。投老方能一倚欄。千里江山未極目。萬家烟
 雨鎖初寒。姦雄幾許理榛莽。笑語何妨擁蕙蘭。便覺寸陰真可惜。須將酒
 量爲君寬。勝遊自有經年約。佳客難同信步春。無復風塵驚寒日。漸催
 花柳映高臺。雲光故事空陳迹。玉樹遺音失舊哀。今昔循環等相視。欲尋
 歸路更遲回。李峴詩。兩花臺北倚晴空。相草阡西是故宮。日暮六龍歸海
 上。夜深孤鶴語城中。山連巴蜀勢猶在。江截華夷氣不通。欲問興亡遺老
 盡。長林對面起清風。梁大同詩。春城一望平桑麻。倚杖東風感物華。山爲
 人知難聚寶。臺從僧去不飛花。江吞楚尾波濤險。地接吳頭道路賒。不獨
 眼前風景異。夕陽烟草遍天涯。梁隆吉詩。春中景物尚凄然。小立崇臺古
 樹邊。潮信不嫌城寂寞。山光似與客留連。英雄馬鬣無餘地。氣勢龍蟠得
 幾年。眼底興亡總闕事。不如酒醉花前。元陳剛中詩。魏臺千仞梵王家。
 雲淡秦淮月映沙。天雨寶花今不見。空聞人唱後庭花。趙子昂詩。兩花臺
 上看晴空。萬里風烟入望中。人物車書南北混。江山襟帶古今同。昆蟲未

整霜先實。鳳鳥不鳴。江自東。綠髮劉伶。綠醉死。往尋荒冢。酌西風。丁復詩。
城郭江山。祇舊時。野園村巷。總新詩。水冠昔日。繁華地。錦繡春風。婀娜枝。
慷慨莫訝。周室黍。昇平方報。漢房芝。顧聞聖主。賢臣頌。家是王侯。鬢未綰。
國朝貝廷臣詩。行行出城南。登高望三丘。雄襟壯天居。宮殿若雲浮。星分
斗牛野。水合江漢流。蒼然淮上山。聚米當馬頭。氣已無朔漢。人今冠中州。
慷慨憶當時。遠近聞朱樓。仙人翠羽帳。王母珊瑚鉤。貂蟬藹七貴。車馬從
五侯。光輝互照耀。意氣何綢繆。皇威復禹跡。風氣務荒陬。千屯夾虎士。萬
斛回龍舟。將軍衛霍功。相國房杜謀。我來覽奇觀。發興屬清秋。已將函谷
並。遂與洛陽侔。所悲迫哀謝。蒙汜安可留。目送桃葉遠。水深鳬鴈洲。清談
晒諸老。匡時忘遠猷。庶窮八極贖。憫此千里遊。高啓詩。大江來從萬山中。
山勢盡與江流東。鍾山如龍獨西上。欲破巨浪乘長風。江山相雄不相讓。
形勢爭誇天下壯。秦皇空此瘞黃金。佳氣蔥蔥至今王。我懷鬱塞何由開。
酒酣走上城南臺。坐覺蒼茫萬古意。遠自荒烟落日之中來。石頭城下清
聲怒。武騎千群誰敢渡。黃旗入洛竟何祥。鐵鎖橫江木馬固。前三國。後六
朝。草生宮闕何蕭蕭。英雄乘時務割據。幾度戰血流寒潮。我生幸逢聖人
起南國。禍亂初平事休息。從今四海永爲家。不用長江限南北。僧宗泐。

文集兩花臺送客。梁朝兩花臺。近在城南陌。不見講經人。空林淡秋色。登高俯大江。目送千里客。白鳥下滄波。孤帆遠山碧。宋王淮文集滿江紅。路過江南。予豈為鮮衣雜食。設贏得烟波短棹。月樓長笛。看劍功名心已死。積薪涕淚。今誰滴想中原一望一傷情。英雄客。形勢地還如昔。談笑裏封侯覓。豈有於前代無於今日。龍豹莫藏。龍韜畧手。犬羊快掃。腥膻跡看諸公事業。巢盧何勞擲。王雲煥文集沁園春。四十君王。三百載間興亡一家。嘆幕府峯高。生涯杜燕。烟脂并暗。富貴飛花。山骨呈羞。江聲帶恨。磨盡英雄歲月。賒君知否。是枋頭滿上。着數全差。倚空長劍吁嗟。奈爭戰年。未似亂麻。但蒼陵古冢。白楊啼鴉。莊園廢沼。青草鳴蛙。旗蓋東南風清天塹。難比興王陳地。豈休凝竚。望長安路。杳夕照。愁鴉。白君瑞文集水調歌頭。涼吹拂水袂。助我上高臺。雲層風裊。牕戶絕纖埃。四遠江山雄麗。萬古盤龍踞虎。壯氣鎖崔嵬。二水中分遠。艇子自歸來。望白雲迎碧漢。俯長淮。鐸聲到耳。亭亭孤塔現林隈。烟惹宮城深樹。日照酒樓簾幙。物象眼前排。長嘯下梯徑。欲去更裴徊。韓元吉文集水調歌頭。澤國又秋晚。天際有飛鴻。中原何在。極目千里暮雲重。今古長干橋下。遠恨都隨流水。西去幾時東。斜日動歌管。萸菊舞西風。江南岸。淮南渡。草連空。石

城潮落。寂寞瑯樹鎖離宮。且闌得前酒美。莫問樓頭佳釐。往事有無中。却
笑東山老。揮鼻與誰同。吳公問詞滿江紅。秋後鍾山蒼翠色可供餐
食。登臨處。恁挑舊曲。催梅新笛。江近蘋風隨汛落。峯高松露和雲滴。數頭
童齒豁。已成翁。猶爲客。老懷抱。非疇昔。歡意思須尋覓。人間世假饒百
歲。苦無多日。已沒風雲豪志氣。祇思煙水閑踪蹟。問何年同老。轉溪濱漁
釣。擲。吳公潛詞滿江紅。馮瑞崗頭。右釀酒左持螯食。懷舊處磨東冶。
劔弄青溪篴。望事尚嫌山是障。醉中要挾江無滴。這一堆心事總成灰。蒼
波客。數俯仰。成今昔。悲易攪。歡難覓。正平無遠樹。落霞殘日。自笑頻招
猿鶴怨。相期蚤混漁樵跡。把

法華臺

宋張舜民排行錄潭州升中寺。後有法華臺高絕。山頂僧法

崇者。雙法華經于此。有杉栢數本。其大如菌云。陶士衡手植也。鄭剛中詩。湘西截麓法華臺。四十年中又再來。惟石與松如雅故。問僧并寺已塵埃。區區獨恨思難報。負負無言志已頽。還宿道林愁不寐。四簷春雨雜鶯囀。郭功父詩。南出長沙城。西渡瀟湘水。誰鋪碧蛟綃。迥秀黃金底。中分摘直洲。隱若鰲背起。府邑古稱雄。地勢信少比。苟非仁義國。曷將甲兵洗。晚色烟霧開。人家明鏡裏。斯須捨舟楫。緩步踏蘭芷。遙遙望松門。物象愈奇偉。

枝葉既不繁。霜雪誰能毀。傳云閩將軍。屯營手植此。至今凌雲氣。猶如大
君子。繞過清風峽。路轉不容跬。臺寰自此隔。佛界朗瞻踰。層梯上重門。繪
塑光煒燁。皓鶴去無蹤。寒泉但清泚。遂登法華臺。平日瞰千里。返驚人世
界。塹壁徒高耳。連甍十萬戶。羅列在披几。想當韓杜詩。荆榛晦遺址。不見
湘西篇。唯誇道林美。幸同劉子恭。縱視眼不眯。作詩君莫諫。前輩尚可擬。
揮筆方爭豪。求心翻自鄙。請看梁上題。半是泉中鬼。白髮纏利名。何由外
生死。道師深悟禪。軟語聽壺壺。明鑿三乘車。濟我岸超彼。臺名將謂何。此
喻有深理。香色存天然。了不染泥滓。救物運真悲。得法終日喜。張弼詩山
間景物轉流平。臺上風光處處傳。放日便應雲夢小。憑欄平挹祝融巔。忽
尋故國占天際。誰看孤舟繫岸邊。百感還將山下去。肯同槁木墮深禪。

國朝顧棟詩環山疑化城。離中屹高臺。昔平智誰構。寶座肯蓮開。上貯大
乘經。諸佛多演說。字字聚金泥。行行翻貝葉。老僧結趺坐。澹然忘世氣。欲
參西來意。終日誦云云。郡縣志法華臺。在永新縣北十里。夷陵志法華
臺。在遠安縣廣溪山西六里。寶慶府志法華臺。在本府邵陽縣城外三里。
東山絕頂。下瞰長江。實邵陽之勝繁。兵燹臺廢。止存石壁一座。陳琬詩派
水西未遠亂山。山包曲折幾重灘。烟雲出入搜尋易。人世興亡入直難。南